

ሩኡቴ ማፃኣፖ ዓይፆ ካሮ

ሚርጌና ኮሺ ባኣዚ ኬኤዚንቴ፡ ሩኡቴ ማፃኣፖ ሃይሳ ገኢጊሺንቴ ዓውቴህ ዒሰራዔኤሌ ዓሶ ሱኡጋ ዎይህ ዎዶና ዓሳ ጾኦሲ ዒጊጪ ካኣሽኪያ ሃሺ ፔ ሸኔ ጎይህ ናንጌም ዓሶኮ ናንጋ ፑርቲ ዓኣንቴኬ፤ ዓማና ሞዓኣቤ ዓጪ ዓሲ ማዔ፡ ሩኡቴ ፔቴ ዒሰራዔኤሌ ዓሲሰኬያም ለዒ ናንጋንቴ ዓኒ ዒዘኮ ሃይቃዛ ዒሰራዔኤሌ ዓሲ ማዔ፡ ዒዘኮ ዓሆፓ ዶማዳዓ ጌዒ ሚርጌና ዓሆም ጉሙርቁንታያ ማዔኔ፤ ዩያጉዲ ሃህ ዒሰራዔኤሌኮ ጾኣዛህ ማዔ ናንጊና ናንጋ ጎዳ ኮሺ ዒዛ ናሽኬኔ፤ ጋፒንጾይዳ ዒዛ ዒዘኮ ቤርታኣ ዓኒ ማኣሮ ዓሶፓ ፔቴ ዓሲሰኬያም ሎዔኔ፤ ዒዛ ያዲዴህረ ዒሰራዔኤሌኮ ዔርቲ ካኣታህ፡ ዳውቴኮ ቤርታኣ ዓሆ ማዒሂኮ ባሊቲና ዓኣ ዓሲ ዒዛ ማዔኔ።

ዒሰራዔኤሌ ዓሶኮ ሱኡጎ ማፃኣፖይዳ ዓኣ ሃይሳ ጾኦሲ ዓሳ ጾኦሲዳፓ ሃኬህረ ዔያቶ ሄሌ ባይሰንታ ኬኤዛኔ፤ ሩኡቴ ማፃኣፖይዳ ዓኣ ሃይሳ ጋዓንቴ ዒሰራዔኤሌ ጾኣዛህ ማዔ ናንጊና ናንጋ ጎዳ ባንህ ማዔ ሜሌ ዴሬ ላኣሊ ዴንቃንዳ ዓንጆና ጾኦሲም ጉሙርቁንታያ ማዔ፡ ዒዘኮ ዴሮ ባኣካፓ ፔቴዞ ማዓኒ ዒዛ ዳንዳዔህያ ኬኤዛኔ።

ሃና ማፃኣፔላ ፃኣፒንቴሂኮ ማሊፃ፡- ጾኦሲኮ ማኣሪፃ ዒዛ ዴሮ ማዒባኣ ዓሶንታ ዒዚ ጋዳንቁ፡ ሞዓኣቤ ዓሶጉዴ ዓሶማኣ ፔጋዲ ጴዴህ ኬኤዛኒኬ። (ላሚ. ዎማ 24:4)፤ ቃሲ ሃህ ጎዳ ዩሱሴኮ ዜርፃ ዒዛፓ ሙኬ፡ ካኣቲ ዳውቴ ሾይንቶ ዜርፆ ዛሎ ኬኤዛኒኬ። (ማቲ. 1:5)

ማፃኣፔላ ዲማ ዲማ ዓርቁ ባኮ

- ናፖሚኮ ሩኡቴና ዎላ ቤኤቴሌሜ ማዒ ዴንዲያ (1:1-22)
- ቦዔዜና ሩኡቴናኮ ዎላ ዔርቲያ (2:1—3:18)
- ቦዔዜኮ ሩኡቴ ዔኪያ (4:1-22)

ዓቤሜሌኬ ፔ ማኣሮ ዓሶና ሞዓኣቤ ዓጭ ቤቴህ
1-2 ዒሰራዔኤሌ ዓጭይዳ ካኣታ ካኣታዲዎንቴ ሱኡጋ ዎይህ ዎዶና ዓጭይዳ ናይዚ ኬሰከህረ ዔፕራታ ዜርፃህ ማዒያ፡ ዩሁዳ ዓጭኮ ቤኤቴሌሄሜ ካታማ ናንጋ ዓቤሜሌኬ ጌይንታሰኬይ ናፖሚ

* ጌይንታ ዒዛኮ ማቸና፤ ሃሣ ማሂሎኔና ኬሊዎኔ ጌይንታ ላምዖ ባቲንቁ ናይሰኩንሣ ፔኤና ዋላ ዔኪ፣ ናዮ ዋዶ ባአሣኒ ሞዓአቤ ባጮ ቤቴኔ። ዔያታ ዒኢካ ናንጋንቴ፡-

3 ናዖሚኮ ባኒ ባቤሚሌኬ ሃይቄኔ፤ ዬያር ናዖሚ ፔኤኮ ላምዖ ናአቶንሣና ዋላ ሌሊ ባቴኔ፤

4 ዒዛኮ ዬንሣ ናአቶንሣ ሞዓአቤ ባጮ፣ ጋርጋና ሩኡቴ ጌይንታ ዉድር ናይሰኩንሣ ዔኬኔ፤ ዬካፓ ታጾ ሌዔኮ ጊንፃ፡

5 ማሂሎኔና ኬሊዎኔና ሃይቄም፣ ናዖሚ ፔኤኮ ባኒንታ ናአቶንታ ባይዚ ፔኤር ሌሊ ባቴኔ።

ናዖሚኮ ሩኡቴና ዋላ ቤኤቴሌሃሜ ማዒያ

6 ናዖሚ ሞዓአቤ ባጮይዳ ባአዖ፣ ናንጊና ናንጋ ጎዳ ዒሰራዔኤሌ ዴር ባንጂ ሚርጌ ሃአኮ ካፂሰሣ ዋይዜሣር ዒዛኮ ላምዖ ናአቶኮ ላአሎና ዋላ ሞዓአቤ ባጮይዳ፣ ዒሰራዔኤሌ ባጮ ማዒ ዴንዳኒ ዔቄኔ።

7 ዔያታ ዪሁዳ ባጮ ዋላ ዴንዲቤቃ ጎይያይዳ፡

8 ናዖሚ ዒዛኮ ናአዚንሣ ላአሎ ኮይላ፡- «ዒንሣኮ ማአር ባሶ ባንሣ ማዒ ዴንዲጋ፣ ዒኢካ ናንጉዋቴ፤ ታናንታ ዒንሣኮ ሃይቄ ባኒንሣንታም ዒንሣ ማጴ ኮኩ ማጶ ዛሎ ናንጊና ናንጋ ጎዳ ዒንሣም ኮሺ ባአዚ ማዲ ማሆንጎ፤

9 ዒንሣ ፔቴ ፔቴሣ ሌዒ ማአሪ ባርቃንዳጉዲ ናንጊና ናንጋ ጎዳ ዒንሣ ማአደንጎ» ጌዔኔ።

ዬካፓ ናዖሚ ሄርቄ ዔያቶ ሳራሃዛ ዔያታ ጋባንቴ ኮሺ ዒናፓ ዬኤካዖ፡-

10 «ዔይዔ! ኑ ኔኤና ዋላ ኔ ባኒኖ ኮይላ ዴንዳንዳኔ» ጌዔኔ።

11 ናዖሚ ጊንሣ ዔያቶ ኮይላ፡- «ታ ናይዮቴ! ሃድራ ማዐዋቴ፤ ታአና ዋላ ዒንሣ ባይጎር ዴንዳኒ ኮዔይ? ዒንሣ ዔካንዳ ናይ ማይ ታ ሸባንዳያ ዒንሣም ማላ?

12 ናይዮቴ! ዒንሣ ማአሪ ማአሪ ማዒ ዴንዲዋቴ፤ ታአኒ ሌዐዋጉዲ ማይ ጋርቆኔ፤ ሃሣ ታአኒ ሃኖ ሌዒያ ማዒ ናይ ሸዔቴያ፡

13 ዔያታ ጴጋቲ ዒንሣ ዔካንዳያ ሄላንዳአና ዒንሣ ካፓንዳ? ዬያር ጌይ ዒንሣ ሌዐዋዖ ባታኒዳ? ታ ናይዮቴ! ዬይ ማዒ ባአዚቴዋሴ፤ ናንጊና ናንጋ ጎዳ ታና ማኪ ታጊዳ ማቶ ባጌኔ፤ ዒንሣ ሄሌ ባካ ሚርጌና ታና ዖዩሳኔ» ጌዔኔ።

14 ዬካፓ ሃሣ ዔያታ ኮሺ ዬኤኬኔ፤ ዒማና ጋርጋ ባሆ ሄርቄ ሳራሣ ዴንዳዛ፣ ሩኡቴ ጋባንቴ ዴንዳ ዒፂ ባሆ ማሪ ባርቄኔ።

* 1:1-2 ናዖሚ ጌይፃ፡- ዔብሪ ባሶ ሙኤጮና «ዋዛሳያ» ጌይሣኬ፤ ማአሌሃና «ዋዛሶ» ጌይንታኒ ዳንዳዓኔ።

15 ይደር ናም፡- «ሩኡቴ! ኔ ዓኒኮ ገርሲ ማቻ ፔ ቢጊኖና ዒዛ ካኣሽካ ያኦዘና ባንሢ ማዒ ዴንዴኔ፤ ኔኤኒያ ዒዘና ዎላ ማዒ ዴንዴቴ ቃራኬ» ገዔኔ።

16 ሩኡቴ ጋባንቴ፡- «ታ ኔጊዳፓ ዲማዲ ዴንዳንዳጉዲ ታና ማታሲፖ! ኔ ዴንዳ ቤዞ ቢያ ታኣኒ ዴንዳንዳኔ፤ ኔ ናንጋ ቤዞማካ ታኣ ናንጋንዳኔ፤ ኔ ዴራ ታ ዴሬ፡ ኔ ያኦዘሢያ ታ ያኦሲ ማዒንዳኔ፤

17 ኔ ሃይቄ ቤዞማካ ታ ሃይቃንዳኔ፤ ኔ ዲኡቴ ቤዞይዳ ታኣኒያ ዲኡታንዳኔ፤ ሃይቢዳፓባቴም ኔጊዳፓ ታና ዲማሳንዳ ባኣዚ ባኣሴ፤ ኔጊዳፓ ታ ዲማዳኒ ማሌቴ ያኦሲ ታና ባይዞም!» ገዔኔ።

18 ሩኡቴ ዒማና ዒዘና ዎላ ዴንዳኒ ጋፒ ዔቄሢ ናም፤ ዔራዎ ዒዘ ኮይላ ዔኤቢ ገይባኣሴ።

19 ይደር ላምዎንሢ ዎላ ቤኤቴሌሄሜ ዴንዲ ሄላዛ ካታሞ ዓሳ ቢያ ዲቃቴ ሄርሼኔ፤ ዒኢካ ዓኣ ላኣላ፡- «ኅኔ ሃና ናምዲ?» ገይ ዲቃቴ ሄርሼኔ።

20 ዒማና ናም፡- «ቢያ ባኣዚ ዳንዳዓ ያኦሲ ናንጎ ታኣኮ ጫንቂሴሢር ማኣራ»† ታና ጎዑዎቴ፤ ናም፤ ታና ገይፖቴ።

21 ቤርታ ሃያ ዓጮይዳፓ ታ ዴንዳኣና ሚርጌ ባኣዚ ታኣኮ ዓኣኔ፤ ጋባንቴ ናንገና ናንጋ ጎዳ ታና ኩቺ ጉሪ ዓይሴኔ፤ ዓካሪ ቢያ ባኣዚ ዳንዳዓ ጎዳሢ ታኣኮ ካራ ባይዚ፤ ሃሢ ሃያ ቢያ ማቶ ታኣም ዓጋዛ፡- ናም፤ ገይ ዒንሢ ታና ዓይጋ ዔኤላይ?» ገዔኔ።

22 ናም፤ ሞዓኣቤ ዓጪ ዓሲ ማዔ፡ ዒዘኮ ናኣዚ ማቸ፡ ሩኡቴና ዎላ ሞዓኣቤ ዓጪ ማዔሢ ይያይዲኬ፤ ዔያታ ቤኤቴሌሄሜ ማዒ ሙኬ ዎዳ ዔልዓ ጮኦሪንታኣናኬ።

2

ሩኡቴ ቦዔዜ ጎዡ ዚንጋሢር ዴንዳሢ

1 ናም፤ ዓኒ ዓቤሚሌኬኮ ቦዔዜ ገይንታ ዔርቴ ዎርጎቺ ዓሲ፡ ዒዘኮ ማኣሪ ዓሲ ማዔሰኬይ ዓኣኔ፤

2 ፔቴ ኬሊ ሞዓኣቤ ዓጪ ማዔዛ፡ ሩኡቴ ናም፤ ኮይላ፡- «ዔልዓሢ ጮኦራ ዓሶ ጎዡ ታ ዴንዲ ዚንጌ ዚንጎም፤ ታኣኒ ዚንጋኣና ታና ላኣጊንዲሞ ዓሲ ታ ዴንቃንዳሢ ጉሙርቃ» ጋዓዛ፡ ናም፡- «ዔኤዔ፡ ታ ናዔሌ ዴንዴ!» ገዔኔ።

3 ሩኡቴ ዒማና ጎዡ ዚኢሞ ዴንዳዎ ፔቴ ጎሺ ጌሊ ጮኦራ ዓሶ ጊንዎ ሃንቴ ሃንቴ ዚንጊሢ ዓርቄኔ፤ ዬና ዒዛ ዚንጋ ጎዡ ዒዘ ያኦሲጉዴያ ዓቤሚሌኬኮ ዒጊኒ ማዔ፡ ቦዔዜ ጎሺኬ።

† 1:20 «ማኣራ» ገይ፡- ዔብሪ ዓሶ ሙኤጮና «ጫንቺ (ዎላንጋ) ገይሢኬ። 2:2 ሊዊ. ዓኬ 19:9-10፤ ላሚ. ዎማ 24:19።

4 ዳካ ጌዕሰካፓ ጦዕዜ ቤኤቴሌሄሜ ካታማፓ ፔ ጎዡ ሙኩኔ፤ ዕልግሢ ጮኡራ ዓሶ፡- «ዒንሢ ኮሺ ፔኤቂያ! ናንጊና ናንጋ ጎዳ ዒንሢ ዓንጀንጎ!» ጌዕኔ።

ዕያታ ማሃያ፡- «ኔና ናንጊና ናንጋ ጎዳ ዓንጀንጎ!» ጌዕኔ።

5 ዩካፓ ጦዕዜ ዕልግሢ ጮኡራ ዓሶኮ ሱኡጋሢ ኮይላ፡- «ሃና ሴካ ወደራል ዓይጎ ናይዳይ?» ጌይ ያኦጮኔ።

6 ሱኡጋሢ፡- «ዒዛ ናዖሚ ጊንያ ሞዓኦቤ ዓጫፓ ሙኩያ ሞዓኦቤ ዓጫ ናይኩ፤

7 ዒዛ ታ ኮይላ፡- «ታኢ ዓሶ ጊንያ ሃንቲ ሃንቲ ኬዳሢ ዚንጎም» ጌይ ያኦጮኔ፤ ዒዛ ጉታፓ ዓርቂ ዚንጊቤቃ ሃሢ ጋዓንቲ ዳካ ሃውሻጊ ወደ ዳሞ ጌሌኔ» ጌዕኔ።

8 ዒማና ጦዕዜ ሩኡቴ ኮይላ፡- «ታ ኔኤም ፔቴ ባኦዚ ኬኤዘም! ሃይማፓ ዓርቃያ ሜሌ ጎሺ ዳንዲ ዚንጊፖ፤ ሃይካ ታኦም ማዳ ላኦሎ ጊንያ ሃንቲ ሃንቲ ሌሊ ዚንጌ።

9 ዕያታ ዋካፓ ጮኡራቴያ ዛጊ ዛጊ ዕያቶ ጊንያ ሃንቲ፤ ዓቲንቃ ኔና ሜታሱዋጉዲ ታኢ ዕያቶም ላቲ ኬኤዘኔ፤ ኔና ዋኦሢ ዳኤቤቴ ዓቲንቃ ዳይ ኩንሢ ጌሢ ያታፓ ዑሽኩ» ጌዕኔ።

10 ሩኡቴ ዒማና ባሊቶ ሳዖ ሄሊሲ ዚጋዖ፡- «ታ ኔኤኮ ፃንጎ ዓሲታንቲ ታና ኔ ዓሲኬ ጌይ ታኦም ኔ ዋይቲ ማሌይ?» ጌዕኔ።

11 ጦዕዜ ማሃያ፡- «ኔኤኮ ዓሲ ሃይቄሰካፓ ኔ ዓሆም ኔ ማዳ ኮዡ ማዳ ቢያ ታ ዋይዘኔ፤ ሃሃ ኔ ዓድንታ ኔ ዒንድንታ ኔኤኮ ሸይንቶ ዓጮቀ ኔኤኒ ሃሺ፤ ቤርታ ኔ ዕሩዋ ዳሬ ባኦካ ናንጋኒ ሙኩሢ ታ ዋይዘኔ።

12 ናንጊና ናንጋ ጎዳ ኔ ማዳ ኮዡ ባኮ ዛሎ ኔኤም ማሆንጎ! ዒዚ ኔና ካፓንዳሢ ኔኤኒ ጉሙርቂ ዒሰራዕኤሌ ያኦዛሢ፤ ናንጊና ናንጋ ጎዳ ባንሢ ኔ ሙኩኔ፤ ዩያሮ ዒዚ ኔ ማዳ ባኮ ዛሎሮ ዑሣ ዓኦዳ ዓንጀ ኔኤም ዒንጎንጎ» ጌዕኔ።

13 ሩኡቴያ፡- «ታ ጎዳ! ታኢ ኔኤም ማዳ ዓሶ ባኦካ ማዒባኦያ ማዕቴያ ኮሺ ዑኡሲና ኔ ታና ዶዲሺኔ፤ ዓሲ ማሂ ኔ ታና ዛጌ ዛጊያ ኔ ሃሹዋጉዲ ታ ኔና ሺኢቃኔ!» ጌዕኔ።

14 ዓሳ ካሃ ሙዓሲ ዳዓኦና ጦዕዜ ሩኡቴ ኮይላ፡- «ካሃ ሙዓሲ ሃኒ ዩዕ፤ ካሃ ዕኪ ዋያና ዓይሢ ዓይሢ ሙዕ» ጌዕም፤ ዒዛ ጮኡራ ዓሶና ዋላ ዳዕኔ፤ ዩካፓ ጦዕዜ ሚቾና ቲሾ ዒዛም ዒንጋዛ፤ ዒዛ ሚሽካንዳያ ሄላንዳኦና ቲሻሢያ ዳዒ ካሃዋ ሙዕኔ፤ ዒዛም ዒንጎና ካሃ ሚሺ ዒዛም ዓቴኔ።

15 ጊንሣ ዒዛ ዚንጋሢ ዚንጋኒ ዕቃዛ ጦዕዜ ዒዛኮ ማዳ ማዳ ዳጊሢም፡- «ዒዛ ናርቆና ናኦይዳፓ ቱጊ ዕኩቴያ ዒዛ ዚዚንጎንጎ፤ ዒዛ ላኦጊፖቴ፤

16 ዔሪንቆ ናኣርፓ ዒዘም ቱጊ ቱጊ ሃሹዋቱ፤ ዒዘ ኮይላ ዔኤቢ ጌይፖቴ» ጌዔኔ።

17 ሩኡቴ ዓባ ጌላንዲያ ሄላንዲና ዬኖ ጎዣፓ ዚንጊ ፔኤቄኔ፤ ዒዘ ዬያ ሺርካዛ ሃኣካ ታጾ ኪሎ ጉዴያ ማዔኔ።

18 ዬያ ሃኣኮ ዒዘ ባሲ ዔኪ ካታም ማዒ ዴንዴኔ፤ ዒዘ ዚንጊ ዔኬሢ ዓሆ ናፖሚም ቤኤዜኔ፤ ዒዘ ርኣሪ ሙዓንቴ ዓቴ ሙፖዋ ዒዘም ዒንጌኔ።

19 ዓሃ ዒዘ ኮይላ፡- «ሃኖ ኔ ዓንካፓ ዚንጌይ? ኔ ፖሺዳ ዚንጊ ፔኤቄይ? ሃያ ኔኤም ኮዦ ባኮ ማዳ ዓሢ ፆኦሲ ዓንጅንጎ!» ጌዔኔ።

ሩኡቴ ዒማና፡- «ታኣኒ ዚንጊ ፔኤቄ ጎዦ ዓዴ ቦዔዜ ጌይንታ ዓሲኬ» ጌዒ ናፖሚም ኬኤዜኔ።

20 ናፖሚያ፡- «ሹምፔና ዓኣ ዓሶና ሃይቄ ዓሶናም ጫኣቄ ጫኣቄም ኩንሣ ናንጊና ናንጋ ጎዳሢ ቦዔዜ ዓንጅንጎ!» ጋዓፆ፡ «ዬይ ዓሢ ኦኡኮ ማኣሪ ዓሲኬ! ሃሃ ኦ ዛሎ ማሊ ኦና ማኣዲኒ ኮይሳ ዓሶይዳፓ ፔቴሢ ዒዘኬ» ጌዔኔ።

21 ጊንሣ ሃሃ ሩኡቴ፡- «ዬያ ኔ ጋዓ! ዓሳ ታኣኮ ሃኣኮ ጮኦሪ ጋፒሳንዲያ ሄላንዲና ታኣም ማዳ ዓሶ ኮይላፓ ዴንዲፖ ጌዔኔ» ጌይ ዓሆም ኬኤዜኔ።

22 ናፖሚያ፡- «ጎኔኬ ታናዔሌ፤ ቦዔዜ ጎዦ ማዳ ላኣሎ ጊንፃፓ ኔ ዚንጌቴ ኮሺኬ፤ ማሌ ጎሺ ኔ ዓኣዴቴ ጋዓንቴ ዴጌሢ ኔና ማታሳንዳኔ» ጌዔኔ።

23 ዬያር ሩኡቴ ዔልዓሢና ዛርጎና ማኣላፓ ቡሪንቲ ጋፓንዲያ ሄላንዲና ቦዔዜም ማዳ ላኣሎ ጊንፃፓ ዚንጌኔ፤ ዬያይዲ ዬያይዲ ፔ ዓሆፓ ዲማዲዋፖ ዋላ ናንጌኔ።

3

ናፖሚ ሩኡቴ ዘሬ ዘር

1 ፔቴ ኬሊ ናፖሚ ሩኡቴ ኮይላ፡- «ታ ናዔሌ! ኔ ሌዒ ማኣሪ ዓርቃንዲፑዲ ኔና ዋይሃንዲ ዓሲ ታ ኔኤም ኮዔቴ ቃራኬ።

2 ኔኤኒ ዚንጋሢ ዚንጋኣና ኔኤና ዋላ ዔልፖ ጮኦራ ላኣላ ዒዘም ማዳ፡ ቦዔዜ ኦ ማኣሪ ዓሲኬ፤ ዒዚ ሃኖ ዒባናኣና ዔልፖ ሺርካኔ፤

3 ዬያር ኔኤኮ ዑፖ ማሰቲ ሳሙቃ ቲዦና ቲሸቲ፡ ሚዛጾ ማኣዓሢያ ማይንቴ፤ ዬካፓ ዒዚ ዔልዓሢ ሺርካ ቆይዶ ዴንዴ፤ ጋዓንቴ ዒዚ ሙፖ ባኣዚ ሙዒ ዑሽኮ ባኮዋ ዑሽኩዋንቴ ዒዘ ቤርታ ኬሰኪ ጴዲፖ።

2:20 ለዊ. ዓክ 25:25።

4 ዒዚ ላሃ ቤዞ ኮሺ ዛገጋፓ ዒ ገንዓዛ ዒዛ ኮይላ ሙኪ ቶኮ ዛላፓ ዓፒሎ ዔኪ ቶኮ ዴማ ዒዛኮ ላሂ፤ ኔ ዓይጎ ዎዳንዳቴያ ዒ ኔኤም ከኤዛንዳኔ» ጌዔኔ።

5 ሩኡቴ ዒማና፡- «ኔ ጌዔ ባኮ ቢያ ታ ማዳንዳኔ» ጌዔኔ።

6 ዬያሮ ሩኡቴ ሃኣኮ ሺርኮ ቆይዶ ዴንዲ፡ ዓሃ ዒዞ ዞሬ ዞር ጎይዎማ ማዳኔ።

7 ቦዔዜ ሙይ ዑሸኪ ዑፃኣ ዒዛም ገኢጌሰካፓ ዔልዎናቶ ኮይላ ዴንዲ ላሂ ገንዔኔ፤ ዬካፓ ሩኡቴ ቃኣፃ ዒዛ ኮይላ ሙካዎ ዓፒሎ ዒዛኮ ቶኮ ዑፃፓ ቡጊ ቶኮ ዴማ ላሂኔ።

8 ሳዓ ገዲሚሺ ማዓኣና ቦዔዜ ዲቃቲ ጴጫዎ፡ ሺሪ ላሃንቴ ቶኮ ዴማ ዒዛኮ ፔቴ ላኣሊ ላሂ ዓኣሂ ዴንቁ፡-

9 «ኔኤኒ ያናዳይ?» ጌይ ያኦጩኔ።

ዒዛ ማሃዎ፡- «ታ ጎዳሂዮ! ታኣኒ ሩኡቴከ፤ ኔኤኒ ኦኡኮ ማኣሪ ዓሲታሂር ታ ናንጎኮ ዓዶ ማዒ ጎይዎ ዔራንዳሂ ኔናከ፤ ዬያሮ ታና ኔ ዔካንዳጉዲ ታ ኮዓኔ» ጌዔኔ።

10 ዒማና ቦዔዜ ዒዞም፡- «ናንገና ናንጋ ጎዳ ኔና ዓንጀንጎ! ሃሂ ሃይ ኔ ማዳ ባካ ሃያኮ ቤርታ ኔ ዓሆም ኔ ማዳ ኮዦ ማዳፓ ዑሣ ዓኣዳ ባኣዚከ፤ ኔ ሄኤዶ ኮዔቴ ያርጎቹ፡ ሃንጎ ማንቆ ዴጌም ሌዔያ ናንዳኔ፤ ጋዓንቴ ኔ ዬያይዳኒ ኮይባኣሴ።

11 ሩኡቴ! ሃይካፓ ሴካ ዓይጎ ባኣዚርዎ ማሊ ሜታዲፖ፤ ካታዎይዳ ዓኣ ዓሳ ኔኤኒ ኮሺ ላኣሊ ማዔሂ ዔራኔ፤ ኔ ኮዔ ባኮ ቢያ ታ ከጎሃንዳኔ።

12 ታኣኒ ጎኔ ኔኤኮ ማኣሪ ዓሲከ፤ ጋዓንቴ ታጊዳፓ ባሺ ኔኤኮ ዑከ ማዔ ዒገኒ ዓኣኔ፤

13 ሃሂ ካራንዳያ ሄላንዳኣና ሃይካ ዎርቁ! ሳዓ ካራዛ ዬይ ዓሂ ኔና ዎይሃንዳቴያ ዎይሂንዲዎቴያ ታ ያኦጩንዳኔ፤ ዒዚ «ዎይሃንዳኔ» ጌዔቴ ኮሺከ፤ ዒፃዎ ማዔቴ ጋዓንቴ ኔና ታ ዎይሃንዳያታሂ ናንገና ናንጋ ጎዳ ሱንዎና ታ ኔኤም ጫኣቃኔ፤ ሃሂ ሳዓ ካራንዳያ ሄላንዳኣና ሃይካ ላሂ» ጌዔኔ።

14 ዬያሮ ሩኡቴ ቦዔዜ ቶኮ ዴማ ላሂኔ፤ ጋዓንቴ ዒዛ ሃኣኮ ሺርኮ ቆይዶ ሙከህሂ ዓሲ ዔሩዎጉዲ ቦዔዜ ኮዔሂር ዓሲ ዴንቁንዲዎ ዎይዳ ጉቴ ዲማ ላሂ ቤዛፓ ዒዛ ዔቁኔ።

15 ቦዔዜ ዒማና ሩኡቴ ኮይላ፡- «ዓፒሎ ኔኤኮ ዑፃፓ ዔኪ ሃንጋ ሂኣሂ» ጋዓዛ፡ ዒዛ ዓፒሎ ሂኣሂም ዒዚ ላማታሚ ከሎ ማዓንዳ ዔልዓ ማኪ ዋሂ ዒዞ ባሲሴኔ፤ ዬካፓ ዒዛ ዔልዎ ባሲ ካታዎ ዴንዳኔ።

16 ዬያይዲ ዲዛ ዓሆ ኮይላ ሙካዛ ዓሃ፡- «ታ ናዔሌ! ዩና ኑ ገዔ ባኬላ ዋይቲይ?» ጌይ ያኦጩኔ፤ ዬያር ሩኡቴ ቦዔዜ ዲዛም ማዳ ባኮ ቢያ ከኤዜኔ።

17 ሃሣ ዒዚ፡- « ኔ ዓሆ ኮራ ኩቺ ጉሪ ዴንዲፖ። ጌዒ ሃያ ላምፖ ሻምቦ ማዓ ዔልፖ ታኣም ዒንገኔ» ጌዒ ከኤዜኔ።

18 ናፖሚ ዒማና፡- «ታ ናዔሌ! ዩይ ባካ ዋይታገዳቴያ ገቢ ካፔ፤ ቦዔዜ ሃኖ ዬኖ ባኮ ኩንሡዋፖ ሃውሻዓኬ» ጌዔኔ።

4

ቦዔዜ ሩኡቴ ዔኬህሂ

1 ቦዔዜ ካታዋኮ ጌሎ ካራ ዓኣ፡ ዓሳ ቡካ ቤዘይዳ ዴንዲ ዴዔኔ፤ ዩካፓ ሃያኮ ቤርታ ቦዔዜ ዲዛ ዛሎ ከኤዜ፡ ዓቤሜሌኬኮ ማኣር ዓሂ ሙካዛ ቦዔዜ ዲዛ፡- «ታ ዒሻሃ! ሃኒ ሙኪ ታ ኮይላ ዴዔ» ጌዒ ዔኤሌም፡ ዒዚያ ሙኪ ዴዔኔ።

2 ዩካፓ ሃሣ ቦዔዜ ካታዋ ጨሞይዲፓ ታጾ ዓሲ ዶኦሪ፡- «ሃኒ ሙኪ ዴዐ-ዋቴ» ጋዓዛ፡ ዔያታኣ ሙኪ ዴዔኔ።

3 ቦዔዜ ዒማና ፔ ዒገናሂ ኮይላ፡- «ናፖሚ ሃይሾ ሞዓኣቤ ዓጫፓ ማዒ ሙኬኔ፤ ዲዛ ሃሂ ኑ ማኣር ዓሂ ዓቤሜሌኬኮ ጎዡ ሻንቻኒ ኮዓኔ፤

4 ታ ኮይላ ኔኤኒ ዬያ ባኮ ዛሎ ዔራኒ ኮይሳያ ማላኔ፤ ዬያር ኔኤኒ ጎዡ ኮዔቴ ሃይካ ዴዔ ዓሶና ጨሞና ቤርታ ኔኤር ማሂ ሻንቻኒ ዴንዳዓኔ፤ ኔ ኮዐ-ዋያታቴ ጎኔማ ጋፒ ታኣም ከኤዜ፤ ጎዡ ሻንቁ ዔካኒ ኮይሳሂ ቤርታዲ ኔናኬ፤ ሄሊሳፖ ታናኬ» ጌዔኔ።

ዓሂ ዒማና፡- «ታኣኒ ሻንቻንዳኔ» ጌዔኔ።

5 ቦዔዜ ከኤዛፖ፡- «ቃራኬ፤ ጎዡ ኔ ናፖሚፓ ሻንቻያ ማዔቴ ሳዓ ሃይቁ ዓሂሮ ማዒ ዴዓንዳጉዲ ዲዛኮ ማቸ፡ ሞዓኣቤ ዓጪ ዓሲ ማዔዛ፡ ሩኡቴያ ኔ ዋላ ዔካንዳያ ኮይሳኔ» ጌዔኔ።

6 ዓሂ ገንሣ፡- «ያዲ ማዔቴ ታኣኮ ዓኣ ሳፖይዳ ሜሌ ሜቶ ታ ማዡያታሂሮ ታ ሻንቁ ማሂ ዔካኒ ኮዐ-ዋሴ፤ ኔ ሻንቁ ዔዔኬ» ጌዔኔ።

7 ሚና ዒሰራዔኤሌ ዓሶ ዳምቦና ዔኤቢ ሻንቸንቲ ሻንቁንታኣና፤ ሃሣ ቆሎ ማዔ ባኣዚ ሜሌና ላኣሚንታኣና ዔርዛያ ማዓንዳጉዲ ሻንቻሂ ሻንቻሂም ዲርዘ ፔኤኮ ቶካፓ ከሲ ዒንጋኔ።

8 ዬያር ዬይ ዓሂ ቦዔዜም፡- «ኔኤኒ ሻንቻኒ ዴንዳዓኔ» ጌዒ ዲርዘ ፔኤኮ ከሲ ዒንገኔ።

9 ይካገ ጦዔዜ ጨሞና ዒኢካ ዓኣ ዓሶናም ቢያ፡- «ማይ ዓካሪ ዓቤሜሌኬና ዒዛኮ ናኣቶ ኬሊዎኔና ማሂሎኔናኮ ዓኣ ባኮ ቢያ ሃድ ታኣኒ ናዎሚዳፓ ዳካሊ ታኣሮ ታ ማሂሂኮ ዒንሢ ጉቤ ማርካኬ፤

10 ሃሃ ናማ፡ ማሂሎኔኮ ማቻ ሞዓኣቤ ዓጮ ናዔላ ሩኡቴ ታ ለኣሊ ማዓንዳኔ፤ ዩይያ፡- ናማኮ ሱንፃ ባይቁዋጉዲ ጊንሣ ዒዛኮ ዓኣ ቆላ ዒዛ ማኣሮ ዓሶፓ ኬሰኩዋጉዲ ማኣዳያ ማዓንዳኔ፤ ዩያኮ ቢያ ሃድ ዒንሢ ማርካኬ» ጌዔኔ።

11 ዒማና ዓሳ ቡኪንታ ቤዛ ዓኣ ጨሞና ሃንጎ ዓሶና፡- «ሂዮ፤ ኑኡኒ ዩያኮ ማርካኬ፤ ሃድ ኔኤኮ ማቼሎ ሚርጌ ናይ ያይቆኦቤም ሾዒ ማኣሮ ማኣሪ ማሄ፡ ራሄሎና ሊያናጉዲ ማሂ ናንጊና ናንጋ ጎዳ ዓንጀንጎ፤ ዒዚ ዔፕራታይዳ ኔና ዖርጎቸንጎ፤ ቤኤቴሌሄሜይዳኣ ዔርቴ ዓሲ ኔና ማሆንጎ፤

12 ናንጊና ናንጋ ጎዳ ሃድ ዴጌ ለኣሌሎፓ ኔኤም ዒንጋ ናኣቶ ዒ ዓንጀንጎ፤ ኔኤኮ ማኣሮ ዓሶዋ ዩሁዳና ቲዒማሮናፓ ሾይንቴ ፓሬሴ ዓሶ ማኣሮጉዲ ማሆንጎ» ጌዔኔ።

ዳውቴኮ ሾይንቶ ዜርዖ

13 ዩያይዲ ጦዔዜ ሩኡቴ ፔ ማቸ ማሂ ዔኬኔ፤ ናንጊና ናንጋ ጎዳ ዒዛ ዓንጄሢሮ ጎጳዲ ዓቲንቁ ናይ ሾዔኔ።

14 ናዎሚኮ ዓሺኖ ለኣላ፡- «ኔኤኮ ቶኦኪ ዛጋንዳ ናኣዚ ናይ ኔኤም ዒንጊሢሮ ናንጊና ናንጋ ጎዳሢም ጋላታ! ዒዚ ሃያ ናዓሢ ዒሰራዔኤሌ ዓሶ ባኣካ ዔርቴ ዓሲ ማሆንጎ!

15 ናኣዚ ማቻ ሚርጌና ኔና ናሽካኔ፤ ለንካይ ናይ ኔኤም ማዳያይዳፓ ባሽ ኔኤም ዒዛ ማዴኔ፤ ሃሢ ዒዛ ኔና ዋዘሲ ናንጊሻንዳያ፡ ሃሃ ቶኦኮ ኔኤኮ ዛጋንዳ፡ ዓቲንቁ ናይ ኔኤም ሾዔኔ» ጌዔኔ።

16 ይካገ ናዎሚ ናዓሢ ጎዳ፡ ዛጊ ዲቹኔ።

17 ዓሺኖ ለኣላ ናዓሢኮ ሱንፃ፡- «ዒዮቤዴ» ጌይ ጌሢኔ። ሃሃ «ናኣዚ ማቻ ናዎሚም ዓቲንቁ ናይ ሾዔኔ!» ጌይ ጌይ ዓሲም ቢያ ኬኤዜኔ።

ካኣቲ ዳውቴኮ ዓዶ፡ ዒሴዩ ሾዔሢ ዩያ ዒዮቤዴኬ።

18-22 ፓሬሴፓ ዳንዲ ዳውቴ ሄለንዳኣና ሾይንቶ ፃጳ ሃካፓ ለካ ፓይዲንታ ጎይፆኬ፡- ፓሬሴ ሄፂሮኔ፡ ሄፂሮኔ ዓራሜ፡ ዓራሜ ዓምናኣዳኣቤ፡ ዓምናኣዳኣቤ ኔዓሶኔ፡ ኔዓሶኔ ሴልሞኔ፡ ሴልሞኔ ጦዔዜ፡ ጦዔዜ ዒዮቤዴ፡ ዒዮቤዴ ዒሴዩ፡ ዒሴዩ ዳውቴ ሾዔኔ።

4:10 ለሚ. ዎም 25:5-6። 4:11 ማዢ. ማፃ 29:31። 4:12 ማዢ. ማፃ 38:27-30።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929